



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa
06 Dezembru 2021

Komemorasaun loron internasionál ba ema ho defisiénsia

JSMP lansa relatóriu temátiku:

“Ema ho Defisiénsia ho nia Dezafiu sira: Estatutu Ratifikasaun Konvensaan Internasionál kona-ba Direitu Ema ho Defisiénsia”

Kada tinan, iha loron 03 Dezembru nasaun sira iha mundu tomak inklui Timor-Leste komemora loron internasionál ba ema ho defisiénsia, ne'ebé deklara husi nasaun unidas iha tinan 1992.

Ho komemorasaun ne'e, JSMP husu ba Parlamentu Nasionál no Governu atu aselera prosesu ratifikasaun Konvensaan Internasionál kona-ba Direitu Ema ho Defisiénsia (KIDED). Ratifikasaun ne'e lori benefísiu boot ba nasaun mak hanesan bele asegura ho di'ak liu tan protesaun no promosaun ba direitu no liberdade fundamentál sira ema ho defisiénsia nian, asegura Timor-Leste nia adezaun ba ASEAN no asegura kumprimentu Timor-Leste nian ba rekomendasaun sira mekanizmu internasionál direitu umanu Revizaun Universál Periódiku (UPR),” dehan Diretora Ezekutiva JSMP, Ana Paula Marçal.

Diskriminasaun no atendimentu ne'ebé la apropriadu ba maluk defisiénsia sira sei nafatin akontese no iha parte infraestrutura nian kuaze edifísiu públiku no estrada públiku sira la iha facilidade ne'ebé própriu no adekuaudu hodi asegura asesu ema ho defisiénsia nian, nune'e difikulta sira-nia asesu ba edukasaun, justisa formál, bee moos no saúde

Realidade ne'e hatudu liuhusi preokupasaun ne'ebé hatu'o husi ema ho defisiénsia sira liuhusi entrevista ne'ebé JSMP halo ho membru sira organizasaun ema ho defisiénsia sira no prodús relatóriu temátiku ida ho nia título hanesan temi ona iha leten. Detallu kona-ba relatóriu ne'e, bele haree iha link tuir mai ne'e: <https://jsmp.tl/wp-content/uploads/Relatoriu-Ema-ho-Defisiensia-ho-nia-dezafiu-sira-Publika.pdf>

Rua Beco Lakateu, Aldeia Manu fuik,
Suku Colmera, Administrativu Vera Cruz
Dili Timor Leste
PoBox: 275
Telefone: 3323883 | 77040735
www.jsmp.tl
ana@jsmp.tl
Facebook: www.facebook.com/timorleste.jsmp
Twitter: @JSMPTl

Atu hetan informasaun liutan favór kontaktu:

Ana Paula Marçal

Diretora Ezekutiva JSMP

Diresaun e-mail: ana@jsmp.tl